

[twitter.com/
udc_gal](https://twitter.com/udc_gal)

[facebook.com/
udc.gal](https://facebook.com/udc.gal)

**Benvida, benvido
á túa universidade
moderna, innovadora
e de calidade.**



UNIVERSIDADE DA CORUÑA

**Universidade
da Coruña
2016-2017**

**Toda a información
de utilidade para
coñecer a túa
Universidade**



Guía 2016-2017

Esta guía contén un resumo dos datos máis relevantes que poden ampliarse mediante os enlaces.

03
A Universidade da Coruña

03
Órganos de goberno

04-05
Estrutura e organización do ensino universitario

06
Dereitos e deberes do estudiantado

07
Programas de intercambio universitario

08
Formación complementaria

09
Actividades culturais, deportivas e de cooperación

10-11
Información, asesoramento e axuda

12
Premios, bolsas e axudas

13
Bibliotecas, aulas de estudo e tenda UDC

14
Aloxamento, comedores e transporte

15
Tecnoloxías da información e da comunicación

16
Seguro escolar

16
Calendario académico 2016/2017



A miña máis agarimosa benvida a túa Universidade.

Julio Alonso Abalde, reitor

Quer no campus da Coruña, quer no de Ferrol, vas pasar entre nós uns anos de formación académica, científica e técnica que, moi probablemente, serán determinantes no teu futuro persoal e profesional. Benvido, benvida!

Nesta guía do estudiantado 2016-2017 recollemos toda a información que necesitas e que che vai ser de grande utilidade para coñecer como é e como funciona toda a institución. Información sobre os seus órganos de goberno, titulacións e sobre a súa estrutura académica ou orientada á investigación. E tamén información precisa sobre os teus dereitos e as túas obrigas, sobre bolsas, programas de intercambio, actividades deportivas, iniciativas de cooperación, asesoramento etcétera.

Ti formas parte dunha universidade nova, moderna, innovadora e dinámica que, no seu pouco máis dun cuarto de século de vida, foi quen de se configurar cun sólido perfil de calidade, innovación e vinculación co seu contorno social, cultural e económico. Contigo estamos outros 21.400 estudantes máis, preto de 1.500 profesores e profesoras e 750 traballadores de administración e servizos.

Agardo que a documentación que che achegamos sirva para facilitar a túa integración e para que poidas aproveitar mellor os moitos servizos que a Universidade da Coruña pon ao teu dispor. Estamos para axudarte e para acompañarte na túa andaina universitaria. Benvida, benvido, pois, á túa Universidade.

A Universidade da Coruña creouse por Lei o 20 de xullo de 1989.

Como servizo público, a Universidade da Coruña está aberta á sociedade e debe, en todo momento, buscar o proveito social.

A vinculación da Universidade da Coruña a un contorno xeográfico ou territorial, cunha implantación física en dúas cidades como son A Coruña

e Ferrol, xera unha necesidade de interrelación sociedade-universidade que na práctica esixe unha convivencia e unha colaboración mutua de apoio e desenvolvemento.

Nun marco territorial máis amplo, como parte do sistema universitario galego, a Universidade da Coruña mantén os vínculos máis estreitos co conxunto da sociedade galega na que está inmersa e unida polo compromiso específico de desenvolver a súa identidade cultural.

Órganos de goberno +

Os nosos fins prioritarios son impartir o ensino preciso para a formación dos estudantes, así como a formación do persoal propio e do profesorado de todos os niveis de ensino, fomentar a investigación e difundir a cultura.

A Universidade da Coruña está na natureza, no mar e ao mesmo tempo na cidade; no centro dela estás ti.



2 campus
Campus da Coruña
+
Campus de Ferrol



Centros +
Facultades, escolas técnicas ou politécnicas superiores, escolas universitarias e escolas universitarias politécnicas.



Departamentos +
Os centros están integrados por departamentos.



A configuración dos estudos universitarios é en tres ciclos: grao, mestrado e doutoramento.

O Espazo Europeo de Educación Superior (EEES) ⁺ é un sistema comparable de titulacións entre os países adheridos.

⁺ Normativa grados, mestrados e doutoramento.



Grao ⁺

Formación xeral
240* créditos ECTS
(4 cursos x 60 créditos)

*A duración poderá ser superior naqueles estudos sometidos á normativa comunitaria, por exemplo, Arquitectura.



Mestrados ⁺

Formación especializada entre 60 a 120 créditos ECTS, é dicir, 1 ou 2 cursos académicos.



Doutoramento ⁺

Orientados á investigación e á realización da tese de doutoramento.



Escola Internacional de Doutoramento ⁺

Os estudios de posgrao  propios están organizados pola UDC ou en colaboración con outras institucións coa obtención de títulos e diplomas exclusivos da UDC e que non teñen carácter oficial.



Son de tres tipos:
 mestrados, cursos  de especialización e cursos de formación específica de posgrao. 

Os dous primeiros, pola súa carga lectiva, duración e características conducen á obtención de títulos propios de posgrao. Os últimos, cunha menor carga lectiva e uns requirimentos de acceso máis flexibles, están orientados á formación continua ou a temas de especialización moi específicos, e acredítanse mediante un diploma universitario. Os mestrados e os cursos de especialización ofertan bolsas de matrícula en número e contía dependente de cada curso.

Ao comezo de cada curso a UDC informa da súa oferta  de estudos propios de posgrao

Dereitos e deberes.

Valedor universitario 
Encargado de velar polo respecto dos dereitos e as liberdades do estudiantado

Oficina de igualdade 
O seu obxectivo é eliminar calquera mostra de discriminación de xénero dentro da comunidade universitaria.

O Estatuto do Estudiantado 
da UDC é documento legal no que se recoñecen os dereitos e deberes do estudiantado das universidades públicas e privadas e se crea o Consello de Estudantes Universitario do Estado.

O Estatuto do Estudiantado da UDC pretende suplir as lagoas normativas do catálogo básico de dereitos e deberes existente anteriormente. O seu obxectivo prioritario é dotar o estudiantado da Universidade da Coruña dunha verdadeira carta de dereitos e deberes que determine os límites e as garantías.

Intercambio Universitario

A promoción destes programas tenta que os seus beneficios recaian sobre o maior número posible de alumnado, considerando sempre como primeira meta a calidade da mobilidade.

A oportunidade de realizar parte dos teus estudos en institucións españolas ou internacionais.

Oficina de Relacións Internacionais ⁺ ORI

Coida da participación da Universidade da Coruña en proxectos e programas europeos, iberoamericanos e outros de interese

Informa, coordina e asesora dos diferentes programas, e prepara e fai o seguimento dos convenios de relación internacionais da universidade.

Actualidade da ORI ⁺



Sicue

Convocatoria de intercambio entre centros universitarios Españois. Permite realizar unha parte dos estudos noutra universidade española. Aproximadamente, contra finais de xaneiro e mediados de febreiro, as universidades adoitan facer a convocatoria.

Información e solicitude ⁺



Erasmus ⁺

Permite a mobilidade internacional. Existen dúas modalidades:

Erasmus con fins de estudos Para realizar parte dos estudos noutra universidade ou institución coa cal exista un acordo Erasmus

Erasmus prácticas Para estudiantado que aínda non rematou os seus estudos o recén titulados. Deben solicitar a mobilidade durante o último ano de estudo e realizar a mobilidade no curso seguinte, inmediatamente posterior a rematar os seus estudos.

A convocatoria ⁺ publícase anualmente



Intercambio bilateral ⁺

Estadías con fins de estudos en calquera universidade do mundo coa que exista un convenio de intercambio bilateral, fora especificamente do programa Erasmus.

A convocatoria ⁺ publícase anualmente

A UDC achega unha dotación de fondos propios para conceder bolsas a estudiantado de intercambio bilateral. O criterio principal de selección dos bolseiros é o expediente académico. Outros organismos públicos e privados poden ofrecer programas de bolsas para o estudiantado de intercambio bilateral, que acostuman ser incompatibles coa bolsa propia do programa Bilateral da UDC.



International Summer School ⁺

Cursos intensivos de tres semanas impartidos por profesores universitarios de recoñecido prestixio nos seus respectivos campos de investigación. Os cursos serán en inglés, cun valor académico de 6 créditos ECTS cada un, podendo ser recoñecidos por cursos opcionais específicos nalgúns títulos oficiais acreditados de Grao ou Mestrado da Universidade da Coruña

Formación complementaria

Afi, Novas tecnoloxías

A Aula de Formación Informática realiza cursos destinados a completar o coñecemento académico do alumnado relacionado coas novas tecnoloxías. Os cursos están orientados a todas as titulacións. A oferta de cursos publícase ao comezo de cada cuadrimestre.

Centro de Linguas

Para consolidar ou mellorar os coñecementos de idiomas como o inglés, francés, alemán, italiano e portugués. Alén diso conta con cursos de galego e español dirixidos a estudiantado de mobilidade Erasmus.

A oferta realízase en catro quendas ao longo do ano académico (cursos de outono, inverno, primavera e verán).

Poderás examinarte do IELTS (International English Language Testing System), que é o exame requirido para entrar nunhas 1.200 entidades académicas e empresariais no ámbito anglosaxón.

Cufie

O Centro Universitario de Formación e Innovación Educativa realiza unha oferta de cursos e obradoiros que teñen como finalidade proporcionarte os recursos necesarios para afrontar en mellores condicións os retos do ensino universitario como técnicas de relaxación e saúde, traballo en equipo e dinámicas de grupos, habilidades sociais, servizos da UDC, cuestións xurídico-administrativas, xestión eficaz do tempo, técnicas de exposición oral, técnicas de traballo e estudo, realización de traballos de investigación, utilización da Internet como apoio para a formación, etc.

Normalmente, desenvólvense entre o mes de outubro e de maio.

Cursos e Congressos OCC

A Oficina de Cursos e Congressos recolle toda a información sobre os cursos de verán, congresos, simposios, xornadas e conferencias que se organizan na Universidade da Coruña.



Múltiples posibilidades para complementar a formación académica mediante cursos e actividades

Os cursos impartidos pola AFI, Centro de Linguas, CUFIE e OCC poderán ser recoñecidos nos graos como créditos por participación en actividades universitarias conforme ao [acordo do consello de Goberno](#) do 17 de xullo de 2012, modificado o 21 de xullo de 2016.

Actividades complementarias

Cultura

A Universidade da Coruña aposta por estender a cultura dentro e fóra da institución, implicándose na vida cidadá e intervindo de xeito expansivo no enriquecemento cultural da sociedade.

No campus da Coruña as accións encamiñadas a acadar este reto céntranse a través de NORMAL, espazo de intervención cultural e laboratorio experimental de procesos artísticos vinculados á contemporaneidade: danza, literatura, cinema en vivo, artes visuais, teatro, performances, exposicións-work in progress, artistas en residencia, obradoiros de creación, música avanzada, debates...

[NORMAL](#) 

[Área de Cultura](#) 

Deportes

Na Universidade da Coruña existen as canles adecuadas para lle tirar partido a actividades colectivas ou individuais, como mantemento físico ou como partícipe das ligas internas ou en competicións de alto nivel. Convivencia e exercicio físico é o binomio que a Universidade da Coruña propón dende a súa Área de Deportes como vía para a interrelación do estudantado e a súa implicación e integración na comunidade. Unha subscripción ao abono deporte permite, ademais, o acceso gratuito ás instalacións deportivas, así como importantes descontos nas actividades deportivas.

[Abono deporte](#) 

[Oferta deportiva](#) 

Cooperación e voluntariado

A [Oficina de Cooperación e Voluntariado \(OCV\)](#)  traballa en programas de cooperación cos países en vías de desenvolvemento e realizan tarefas de voluntariado social.

Ceida, patrimonio natural, histórico e cultural

 O [Centro de Extensión Universitaria e Divulgación Ambiental de Galicia](#) da a coñecer o noso patrimonio natural, histórico e cultural. É un lugar de encontro e de reflexión sobre os problemas do medio ambiente, materializados en forma de cursos, xornadas, conferencias, obradoiros, programas de educación ambiental, seminarios; sen esquecer a divulgación ambiental que se realiza dende o Centro de Documentación Ambiental Domingo Quiroga, que forma parte do CEIDA. A situación ambiental aos diferentes niveis analízase en áreas de traballo, como Conservación, Medio Mariño, Cambio Climático, Forestal, Municipal ou Cooperación, dende as que se contribúe a espertar a conciencia individual e colectiva da necesidade de cambio de actitudes cara ao medio ambiente.

As actividades impartidas por cultura, deportes, OCV, CEIDA e OMA poderán obter [recoñecemento académico](#) de, polo menos, 6 créditos. 

Medio Ambiente

A [Oficina de Medio Ambiente da Universidade da Coruña \(OMA-UDC\)](#)  coordina e realiza diferentes actuacións de tipo ambiental na UDC como a avaliación, información e divulgación ambiental nos campus, participación e corresponsabilidade ambiental, proxectos sectoriais relacionados coa xestión e a sustentabilidade ambiental, plan de mobilidade sostible, auditoría e plan de eficiencia enerxética, xestión sustentable de residuos orgánicos e augas residuais, implantación dunha recollida selectiva avanzada de residuos, Proxecto Sostauga, urbanismo sostible, restauración forestal, agrícola e paixasística, etc.

A educación vai máis aló das aulas e os laboratorios.


Atendemos as
necesidades
que poidan
xurdirte no
percorrido
universitario



O Servizo de Asesoramento e Promoción do Estudiantado SAPE informa sobre un amplo abano de aspectos da vida universitaria: acceso aos estudos universitarios, normativa académica, premios, bolsas propias da UDC e axudas, titulacións, centros e servizos da UDC, estudos de grao e posgrao, cursos, xornadas e congresos, programas de intercambio, asociacionismo, actividades deportivas, culturais, de cooperación e de voluntariado, transporte, aloxamento universitario, carnés xuvenís, etc. Así mesmo conta con persoal específico de orientación laboral e emprendemento para asesorar ao estudiantado e recén egresados.

**+ Sape, o
servizo de
referencia**

**Información,
asesoramento
e axuda.**



Diferentes servizos para atender situacións que precisan dunha atención diferenciada.

Nos centros tamén contas con información e apoio e o un titor de grupos pequenos de alumnos.



A Unidade Universitaria de Atención á Diversidade ADI

O seu cometido é facilitar e promover a plena integración do alumnado que presente algún tipo de discapacidade física, psíquica ou sensorial. A UDC, en cumprimento da lexislación, reserva o 5% das prazas en cada titulación para solicitantes que teñan certificada unha discapacidade.

Plano de Acción Titorial PAT

Desde que comezas os estudos te ofrece unha persoa de referencia —unha titora ou titor— que ten como misión informal, apoialo e orientalo en distintos ámbitos: académico, administrativo, profesional, persoal e social.

Na web da escola ou facultade na que estudas podes atopar máis información sobre o PAT da túa titulación.

Observatorio ocupacional

A Universidade non só ten a misión de formar senón tamén de garantir a empregabilidade. Nesta unidade de estudos económicos e estatísticos analízase a inserción laboral dos graduados universitarios fundamentalmente a través do seguimento dos titulados e da análise das competencias profesionais.

Viveiro de empresas de base tecnolóxica

Prestalle apoio a iniciativas empresariais de base tecnolóxica e favorece a súa posta en marcha e a entrada no mercado. Está destinado aos proxectos que partan da comunidade universitaria, xa sexan estudantes, docentes, investigadores, xa persoal da administración e servizos. Está situado no Edificio de Servizos Centrais de Investigación e dispón de seis locais equipados con acceso á rede. Tamén están á disposición dos emprendedores salas para presentacións, reunións e outros servizos comúns.

Servizo de Normalización Lingüística SNL

Ofrece asesoramento en lingua galega (resolución de dúbidas lingüísticas, revisión de textos, información sobre dereitos lingüísticos e sobre actividades de promoción do galego, etc.) e cursos de formación (convocatorias xerais de cursos de lingua galega e convocatorias específicas segundo demanda do propio estudantado). Tamén convoca anualmente axudas económicas para a realización de traballos de investigación en galego (traballos de fin de carreira e de posgrao, teses de licenciatura e teses de doutoramento). Organiza cada ano un curso sobre dinamización lingüística no mes de xullo e unhas xornadas sobre lingua e usos en novembro, así como outras actividades de promoción do galego dirixidas fundamentalmente ao alumnado da UDC.

Premios, bolsas e axudas.

Existen diferentes
tipos en función
da entidade pública
ou privada que
a impulsa.

[Bolsas propias da
Universidade da Coruña](#) +

[Bolsas da Consellería de Cultura,
Educación e Ordenación Universitaria](#) +

[Bolsas do Ministerio de Educación,
Cultura e Deporte](#) +

Ofrecemos todas
as bolsas e axudas
posibles para
axudarte.



Bolsas propias da Universidade da Coruña.

As diferentes [convocatorias](#) + publicanse durante todo o ano sobre cuestións como residencias, transporte urbano, estadias predoutorais, xornadas divulgativas, conferencias e cursos de verán, mobilidade, actividades, prácticas situación de dificultade económica, Divulgación Científica, estudos de mestrados, oficiais na UDC, formación complementaria, necesidades educativas especiais, premios UDC á excelencia académica no Bacharelato, axudas para estudantes gañadores de Olimpíadas Científicas, ...



Aulas de estudo

A Universidade da Coruña conta con aulas de estudo tanto na Coruña como en Ferrol, cunha capacidade total de 1.546 postos. Na Coruña, as aulas están situadas no Centro Universitario de Riazor (CUR, Campus de Riazor), e no Edificio Xoana Capdevielle (Campus de Elviña). No Centro Universitario de Riazor (CUR, Campus de Riazor), trátase de dúas aulas cunha capacidade total de 444 postos, que ocupan a totalidade do primeiro andar. No Edificio Xoana Capdevielle, a aula de estudo ten unha capacidade de 678 postos. En Ferrol, as aulas están ubicadas no Edificio de Apoio ao Estudo do Campus de Esteiro. Contan cunha capacidade de 424 prazas repartidas en dúas aulas. Os horarios das aulas de estudo varían ao longo do curso para se adaptaren ás necesidades do estudantado. Existe un horario ampliado nos períodos de preparación dos exames oficiais.

[Máis información](#) 

Bibliotecas

[Catálogo](#) 

[Servizos](#) 

A Universidade da Coruña dispón de 3.437 postos de lectura entre todas as súas bibliotecas.

A biblioteca universitaria é unha unidade funcional de apoio ao estudo, á docencia e á investigación na que se organizan, procesan, custodian e se poñen a disposición dos usuarios todos os fondos documentais da universidade. Este servizo está constituído por A Biblioteca Central da Universidade no Edificio Xoana Capdevielle, Campus de Elviña na Coruña, a Biblioteca da Casa do Patín, Campus de Esteiro en Ferrol e as bibliotecas dos centros.

Tenda UDC

A UDC pon ao teu alcance os auténticos artigos da Universidade coas maiores garantías de calidade como suadoiros ou camisetas coa auténtica insignia da Universidade da Coruña. Os artigos poderanse recoller no SAPE de A Coruña ou Ferrol.



Aloxamento

Existen diferentes opcións:

Axudas de aloxamento da Universidade da Coruña. [Convocatoria](#) ⁺ ao inicio do curso académico.

⁺ [Residencias universitarias](#)

Bolsas na residencia de Ferrol

A UDC establece unha [convocatoria](#) ⁺ única de bolsas para optar a prazas na residencia pública de Ferrol, xeralmente no mes de xuño.

Programa Comparte ⁺

da Universidade e o Concello de Ferrol. Os seus obxectivos son sociais e solidarios xa que pretenden dar resposta, tanto as necesidades de compañía e apoio das persoas maiores, como ás necesidades de aloxamento dos estudantes universitarios.



Comedores

En todas as facultades da universidade ofértase un servizo de comedor a prezos reducidos. Ademais, en Ferrol hai un comedor xeral no Campus de Esteiro e outro na Escola Universitaria Politécnica no Campus de Serantes. No comedor da Escola Universitaria de Arquitectura as persoas alérxicas ao glute teñen un menú (ou, polo menos, un prato) adaptado á súa dieta.



Transporte

A UDC concede axudas ao transporte urbano e metropolitano destinadas ao alumnado da UDC matriculado nunha titulación oficial. Esta bolsa solicítase no Pavillón de Estudiantes no Campus de Elviña. O prazo de presentación soe ser de outubro a novembro e publicase a [convocatoria](#). ⁺

O alumnado que non acade a bolsa, pode solicitar a [tarxeta milenium](#) ⁺ para obter descuentos en el transporte urbano y utilizar los servicios de las bibliotecas municipales e a [tarxeta transporte metropolitano](#) ⁺ para obtener descuentos en el transporte público metropolitano y urbano de Galicia.



Na Coruña, a UDC, en colaboración coa Compañía de Tranvías, estableceu un servizo especial de autobuses urbanos que achegan o estudantado aos diferentes campus.

[Información](#) ⁺ sobre o percorrido desta liña e de todas as demais liñas de autobuses da cidade.

En Ferrol hai varias compañías que realizan as rutas urbanas e que unen varios puntos do concello entre si e cos concellos limítrofes. Na páxina web do Concello de Ferrol pódense atopar as [liñas e os horarios](#). ⁺

Aloxamento, comedores e transporte.

Campus virtual

⊕ O campus virtual facilita e incrementa a comunicación entre docentes e alumnado. Constitúe un instrumento básico de apoio ao ensino presencial.

Non só se dispón dunha forma de obter materiais actualizados ou de contactar co profesorado, senón que é posible

preparar por anticipado as aulas presenciais, compartir e debater co resto do grupo e dispor de exercicios de avaliación. Moitas das materias que se cursan na UDC xa empregan esta potente ferramenta. Tamén existe a posibilidade de axuda en certas materias con dificultades especiais para o alumnado de primeiro ano dalgunhas titulacións.



Tecnoloxías da información e da comunicación

Secretaría virtual do estudante

Facilita o acceso ao expediente académico do alumno e aos datos persoais de que dispón a universidade. Pode ser utilizado polo alumno durante o período de matrícula para levar a cabo a automatrícula. A través da secretaría virtual do estudante pódese configurar o envío de cualificacións a través de SMS.

⊕ Para activalo hai que acceder á secretaría virtual do estudante>>premer no apartado da columna esquerda correspondente a “notas por móbil”, o último da columna de “secretaría” >> unha vez na páxina, cubrimos o noso número de móbil e aceptamos as condicións.

Servizos TIC

Para facer uso dos servizos que proporciona a UDC é necesario rexistrarse ⊕ para ter acceso, mediante un usuario e unha clave, a todos os servizos TIC:

- Webmail ⊕
- Acceso á rede wi-fi ⊕
- Wiki corporativa ⊕
- Web corporativa ⊕
- Tarxeta universitaria intelixente ⊕
- Solicitud de bonobús ⊕
- Puntos de información ⊕

- Avaliación docente ⊕
- Licenza de campus de software ⊕
- Catálogo de biblioteca ⊕
- Repositorio ⊕
- Acceso ás AulasNET
- Cualificacións por SMS

Hai dúas vías para proceder ao rexistro:

O alumnado de novo ingreso no momento da formalización da matrícula (na secretaría do centro ou vía internet) recibe un código de activación de servizos. Este código terá que introducirse na páxina de activación dos servizos ⊕ e seguir os pasos da ligazón “novo membro da UDC”. O resto do alumnado seguirá os pasos da ligazón “usuario existente”.

Tarxeta de Identificación Universitaria ⊕

A TIU é unha tarxeta intelixente, realizada en colaboración co Banco Santander, que te acredita como membro da comunidade universitaria.

Solicítase na oficina do Banco Santander e durante os períodos de matrícula. As funcións da TIU son as seguintes:

- Acreditación universitaria, emprégase como carné universitario.
- Descontos nalgúns comercios.

- Préstamo bibliotecario, como identificativo a través do código de barras impreso na tarxeta.
- Utilización de instalacións universitarias restrinxidas, como é o caso das instalacións deportivas.
- Con carácter opcional e previa solicitude funciona como tarxeta 4B.
- Consulta do expediente académico en calquera caixeiro da rede 4B.
- Moedeiro electrónico.

Seguro escolar

Ao matricularse nunha titulación oficial da Universidade da Coruña, o estudantado conta coa prestación de tres seguros de asistencia:

1. O seguro escolar obrigatorio, que se paga coa matrícula, para menores de 28 anos.

2. O seguro Hac Luce Accidentes, obrigatorio para maiores de 28 anos e opcional para menores de 28 anos.

3. O seguro escolar complementario, para os estudantes españois, os nacionais dos estados membros do EEES e os resto dos estudantes estranxeiros residentes que formalicen a matrícula en estudos oficiais e sexan menores de 28 anos.

[Máis información](#) 

Calendario Académico

O período lectivo do curso académico comprenderá desde o 1 de setembro ao 31 de xullo, organizado en dous subperíodos académicos.

Excepcionalmente poderán realizarse actividades fóra deste período no caso de prácticas en empresas ou para avaliación de Traballos de Fin de Grao ou Mestrado.

[Calendario 2016/2017](#) 

Patróns de Facultades e Escolas universitarias 2016-2017

As festividades dos centros que coincidan en martes ou en xoves celebraranse o luns ou o venres. Sempre que cadren en mércores trasladaranse ao venres. As que coincidan en sábado, domingo e festivo celebraranse o día lectivo anterior ou o día seguinte.

14 de novembro	Fac. de Ciencias
2 de decembro	Fac. de Ciencias da Comunicación
28 de abril	Fac. de Ciencias da Educación
12 de maio	Fac. de Ciencias da Saúde
7 de abril	Fac. de Ciencias do Deporte e a Educación Física
2 de maio	Fac. de Ciencias do Traballo
10 de febreiro	Fac. de Dereito
7 de abril	Fac. de Economía e Empresa
12 de maio	Fac. de Enfermería e Podoloxía
28 de abril	Fac. de Filoloxía
12 de maio	Fac. de Fisioterapia
26 de abril	Fac. de Humanidades e Documentación
17 de marzo	Fac. de Informática
5 de abril	Fac. de Socioloxía
20 de marzo	Esc. Politécnica Superior
9 de xaneiro	Esc. Técnica Superior de Arquitectura
12 de maio	Esc. Técnica Superior de Enxeñaría de Camiños, Canais e Portos
27 de abril	Esc. Técnica Superior de Náutica e Máquinas
2 de xuño	Esc. Universitaria de Arquitectura Técnica
A determinar polo centro. Mes de maio	Esc. Universitaria de Deseño Industrial
Mes de decembro	Esc. Universitaria de Turismo
17 de marzo	Esc. a Universitaria Politécnica
12 de maio	EU Enfermería
2 de maio	EU de RR Laborais. A Coruña
2 de maio	EU de RR Laborais. Ferrol